

3. gr.

Samþykkt þessi, sem samin er og samþykkt af hreppsnefnd Blönduósshrepps, staðfestist hér með samkvæmt lögum nr. 12/1969 um hollustuhætti og heilbrigðiseftirlit, til þess að öðlast gildi þegar í stað.

Heilbrigðis- og tryggingamálaráðuneytið, 2. ágúst 1974.

F. h. r.

Páll Sigurðsson.

Ingimar Sigurðsson.

SAMÞYKKT

um sorphreinsun fyrir Blönduós.

1. gr.

Blönduóshreppur annast sjálfur eða býður út alla sorphreinsun innan skipu- lagðra svæða sveitarfélagsins. Yfirstjórn hreinsunar er í höndum sveitarstjóra og með umsjón heilbrigðisnefndar sveitarfélagsins.

2. gr.

Sérhverjum húseiganda er skylt að nota þær aðferðir við sorpgeymslu, sem samþykkt þessi kveður á um.

3. gr.

Allur kostnaður við almenna sorpeyðingu greiðist úr sveitarsjóði. Sérhverj- um húseiganda er þó skylt að greiða sérstakt sorphreinsunargjald, sem sveitar- stjórni hefur heimild til þess að ákvarða og skal það innheimt með fasteignagjöld- um hvers árs.

4. gr.

Daglegt sorp frá íbúðarhúsum, veitingastöðum, verslunum o. s. frv., skal látið í sérstaka poka, sem sveitarfélagið afhendir. Pokunum skal komið fyrir í þar til smíðuðum sorpskáp eða sérstakri grind, með viðeigandi frágangi og loki yfir. Hú- seigendur bera allan kostnað af uppsetningu og viðhaldi sorpgrinda og sorpskápa og þeim ber jafnframt að sjá um að grindur eða skápar séu í góðu ásigkomulagi. Sorphirslur skulu vera, þar sem aðgengt er fyrir sorphreinsunarmenn að ná til þeirra. Ef sorpgeymsla er innbyggð eða innan dyra, skal allur aðgangur að henni og frágangur vera í fullu samræmi við ákvæði 3. gr. 10. tl. í byggingarsamþykkt fyrir Blönduós.

5. gr.

Í sorppokana skal setja allt venjulegt heimilissorp, en gæta skal þess sérstak- lega, að offylla þá ekki né ofþyngja á þann hátt, að erfitt verði að loka þeim eða að þeir rifni. Sorp skal láta vel ofan í poka, en varast að það hangi yfir pokarönd eða dreifist af loki umhverfis sorphirslur og valdi óþrifnaði. Allt blautt sorp og oddhvassa hluti skal pakka vel inn áður en það er sett í sorppoka. Mold, mól, grjót og svipuð efni má ekki láta í sorppoka, en skal flytja til ákveðins svæðis, sam- kvæmt nánari fyrirmælum sveitarstjórnar. Á sama hátt má ekki setja eldfima vökva svo sem olíu og bensín í sorpílát, hvort sem er laust eða í umbúðum.

6. gr.

Allt umfangsmeira sorp, svo sem frá byggingum og málmíðnaði, bílhræ og allt brotajárn, skal hver hlutaðeigandi fjarlægja á eigin kostnað á afmarkað svæði, samkvæmt nánari fyrirætlunum sveitarstjórnar. Vanræki eigandi þetta, þá getur heilbrigðisnefnd sveitarfélagsins látið framkvæma verkið á hans kostnað.

Bannað er að urða olíuleifar og önnur efni, sem mengað geta jarðveg í hreppslandinu og einnig er bannað að kasta slíkum efnum, sem öllu öðru sorpi, í hvaða mynd sem er, í sjóinn, eða í Blöndu. Skal þeim brennt eða eytt á annan hátt eftir því sem kostur er á, og skal slík eyðing fara fram undir eftirliti heilbrigðisnefndar og starfsmanna hreppsins.

7. gr.

Sorphreinsun skal gerð vikulega og ekki sjaldnar en 40 sinnum á ári. Sorphreinsun skal ekki framkvæmd á helgidögum eða eftir kl. 23 á virkum dögum. Um stórhátíðar, jól, nýár og páska skal gerð aukahreinsun. Hreppurinn leggur til, og gengur frá í sorpskáp eða grind, einn plastpoka, eftir hverja hreinsun.

Ef nauðsyn krefur t. d. vegna stórhátíðar eða ef vænta má stöðvunar á sorphreinsun, þá geta húseigendur fengið aukapoka eftir þörfum í áhaldahúsi hreppsins. Sé slíku ekki til að dreifa, þá geta húseigendur engu að síður fengið aukapoka eftir þörfum, en þá kemur sérstök greiðsla fyrir.

Á stóru heimili, eða þar sem vænta má að einn poki nægi ekki milli hreinsana, getur viðkomandi valið milli þess, að hafa fleiri grindur eða að hafa geymslu fyrir fyllta sorppoka og skiptir þá sjálfur um, enda fær hann þá ókeypis nægilega marga poka. Ef um óvenjulega notkun poka er að ræða t. d. hjá veitingastöðum, verslunum o. s. frv., getur sveitarsjóður lagt á aukagjald vegna sorphreinsunar eða látið greiða fyrir aukapoka.

8. gr.

Allur flutningur á vegum einstaklinga eða fyrirtækja á sorphauga eða á þau afmörkuðu svæði, sem sveitarstjórn gefur fyrirætlun um, skal gerður eftir ströngustu fyrirætlunum og þrifnaður allur í hávegum hafður.

Sömuleiðis skal umgangur og frágangur á sorpi á sorphaugastað uppfylla þær kröfur sem reglur um þá staði kveða á um, t. d. um losunartíma sorps og umgengnishætti alla.

9. gr.

Kvörtun vegna sorphreinsunar skal koma skriflega til sveitarstjórnar.

10. gr.

Hugsanleg vafaatriði varðandi fjölda skápa (sorppoka) úrskurðar heilbrigðisnefnd.

11. gr.

Brot gegn samþykkt þessari varða sektum allt að kr. 100 000.00 nema þyngri refsing liggji við að lögum. Með brot á samþykktinni skal farið að hætti opinberra mála.

12. gr.

Samþykkt þessi, sem samin er og samþykkt af hreppsnefnd Blönduósshrepps, staðfestist hér með samkvæmt lögum nr. 12/1969 um hollustuhætti og heilbrigðis- eftirlit til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Heilbrigðis- og tryggingamálaráðuneytið, 6. ágúst 1974.

F. h. r.

Páll Sigurðsson.

Ingimar Sigurðsson.